

夢

唱／柯佩磊 作詞：李叔同

作曲：斯帝芬·C·福斯特 編曲：許俊華

哀遊子愴愴其無依兮，在天之崖。

惟長夜漫漫而獨寐兮，時恍惚以魂馳。

夢偃臥搖籃以啼笑兮，似嬰兒時。

母食我甘酪與粉餌兮，父衣我綵衣。

月落烏啼，夢影依稀，往事知不知？

汨半生哀樂之長逝兮，感親之恩其永垂。

哀遊子愴愴而自憐兮，弔形影悲。

惟長夜漫漫而獨寐兮，時恍惚以魂馳。

夢揮淚出門辭父母兮，嘆生別離。

父語我眠食宜珍重兮，母語我以早歸。

月落烏啼，夢影依稀，往事知不知？

汨半生哀樂之長逝兮，感親之恩其永垂。